



Universitätsbibliothek Paderborn

**Exempla, In Septem Capitalivm Vitiorvm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 6. Quadragesimæ iejunium strictè obseruatum.

[urn:nbn:de:hbz:466:1-49161](https://nbn-resolving.de/urn:nbn:de:hbz:466:1-49161)

aduersus principatus, aduersus potestates, aduersus mundi rectores tenebrarum harum, aduersus spirituales malitias; hos oportet per sobrietatem, ad jeinium, ad certamen exerceri. Leuius periculum est, si quis Rhipsaspiis appelletur, quod clypeum in acie abiecerit; quam si magnam illam armaturam jeinium videatur abiecisse.

VI.

QUADRA-
GESIMAE
IEIUNIVM
STRICTE
OBSERVA-
TVM.

Psal. 26.

Hac de caufsa, (vt ad historiam redeamus) in monasterio, ad quod Zosimas ab Angelo missus est, moris erat, vt primæ hebdomadæ jeuniiorum Dominicâ die, Ascetæ singuli diuinis sacramentis muniti, atque Christi corpore & sanguine pasti, modicoque cibo refecti, vnâ in oratorium conuenirent, & flexis poplitibus, orationeque ardenti ad Deum fusa, se inuicem consalutarent, Abbatemque amanter amplexi benedictionem solennem peterent. Patefactis inde monasterij foribus, clara voce cantantes exibant. Cantabant autem: *Dominus illuminatio mea, et salus mea, quem timebo? Dominus defensor vita mea, a quo trepidabo?* Vix unus, aut alter, in rerum custodiam, domi manebat. Ceteri, aut caricas, aut palmæ fructus, dactylos, aut legumina, aut etiam nihil, præter vestem, secum efferebant, propria quadra, hoc est, thymbra & folis radicibus ac herbis victuri. Ibant autem

trans-

JIV
 SAMICOS
 MESSALIVES
 MOOCHE
 MI MAT
 VTLIOS
 ZA EHNIS
 STINOB

trans Iordanem, non vt conchas legerent, aut vt sciuros caperent, sed ita, vt à se quisque vago pede discederent, neque ullus in alterius conspectum veniret. Nempe soli diuinis meditationibus, cantui sacro, ac ieunijs vigilijsque tanto impensiùs vacare potuerunt. Sic verbis, cibis, potibus, somno, & omni solatio humano abstinentes, omnes ieuniorum dies, asperrimè celebrabant, nec, nisi ante viuificum Dominicæ Resurrectionis diem, ad monasteriū reuertebantur. O quantum ab his distant nostri seculi ieunia? Multi nunc dubitant, an ad ieunia obligentur; multi cùm vel noctu se se maximè abstinere existimant, tantùm panis, opsonij, aut lactucæ absunt, quantum illi sanctissimi viri, cùm sunt, in ipsa Paschatis festiuitate, epulati. Multi potu famem suffocantes, quia ne buceam quidem panis, inter bibendum, attingunt, de ieunio sibi plaudunt, postquam, vna compotatione viginti quinque albæ cereuisiæ mensuras, per vnum ventrem percolarunt. Nempe apud eos, apud quos, *qui plus biberit, fortior computatur: vomunt, ut bibant, bibunt, ut vomant,* ait S. Hieronymus, & sàpè etiam, vt animam euomant.

S. Hieronym. in
ep. ad
Tit. c. 16

P

Zosimas